

Ngā Tohutohu mō te Whāinga 13: Te whakataetae rerenga whakamutunga

Ko te wero:

Hangaia tētahi ataata, tētahi whakatairanga rānei e whakaatu mai ana i ngā kōrero mō ngā mahi i whāia, i oti anō hoki i a koutou i te Wero Tākirirangi, ā, ka whakawhiwhia pea koutou ki tētahi taonga pai.

E toa ai pea koe, me uru ki te whakataetae

E wātea ana ia kura ki te tuku mai i tētahi whakaurunga kotahi mō ia wāhanga:

1. Te ataata o te whakarewanga
2. Te whakatairanga mō te whakarewanga

E wātea ana koutou:

- Ko te kura ki te hanga ngātahi i tā koutou whakaurunga
- Ko tō rōpū ki te hanga i tētahi whakaurunga, ā, mā te Kaitohutohu Whāinga e kōwhiri te mea pai katoa

Ko ngā kura e hiahia ana ki te whai wāhi mai ki te whakataetae whakarewanga whakamutunga, me oti i a rātou:

- Ngā whāinga katoa
- Ngā patapatai ākongā me oti i mua, i muri hoki i te wero

Ko wai tō rōpū?

- Homai he kōrero mō koutou anō.
- He aha te mahi me te haepapa a tēnā me tēnā?
- I pēhea tā koutou mahi ngātahi ā-rōpū nei ki te whakaoti i te wero?

Kia rere te wairua auaha!

He whakaaro ēnei ka whakaurua pea e koutou ki roto i tō ataata:

He aha ngā akoranga kua mau i a koutou i te wero?

- Whakamāramahia mai te hāngaitanga o ngā mahi PŪRAU ki te mahi tākirirangi.
- Whakaatuhia mai ō mōhiotanga ki ngā ture a Niutana.
- I pēhea tā koutou whakamahi i te tukanga hoahoa ā-pūkaha?

Whakaatuhia mai tētahi whakarewanga

- Whakaatuhia mai te whakarewanga i tino eke ki te taumata.
- Whakamāramahia mai he aha i tino eke ai tēnei whakarewanga.
- I pēhea tā koutou tiaki i te rōpū kia haumarua ai te noho?

Whakaatuhia mai ā koutou tākirirangi

- Whakaatuhia ā koutou hoahoanga tākirirangi e hou ana, e auaha ana hoki.
- I pēhea te āhua o tā koutou whakaaro hei kaimātai pūkaha ki te whakatika i ngā raruraru me te whakapai ake i ō tākirirangi?

Tukuna mai tō whakaurunga

- Tonoa tō Kaitohutohu Whāinga, māna e uta tō whakaurunga ki te whakataetae ki te rōpū ā-hapori o te Kaupapa Mīhara i te Pukamata, tēnā rānei
- Tukuna mai tō whakaurunga ki hello@wonderproject.nz

**Kia kaha koutou, ā, kia
toa ngā tino mātanga
ki te mahi tākirirangi!**